



PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Utusan Malaysia
Date	1/10/2011

## Dr. M bertemu Presiden Vietnam

KUALA LUMPUR 30 Sept. - Bekas Perdana Menteri, Tun Dr. Mahathir Mohamad hari ini melakukan kunjungan hormat ke atas Presiden Vietnam, Truong Tan Sang dan isteri, Mai Thi Hanh yang dalam lawatan rasmi ke negara ini.

Turut hadir pada perjumpaan kira-kira 30 minit itu ialah Timbalan Perdana Menteri Vietnam, Nyugen Thien Nahn dan Menteri Pengangkutan, Datuk Seri Kong Cho Ha yang merupakan menteri pengiring Sang.

Sang yang dilantik sebagai Presiden Vietnam pada Julai lalu, tiba di Kuala Lumpur Rabu lepas untuk melakukan lawatan tiga hari sebagai membalas kunjungan negara oleh Yang di-Pertuan Agong, Tuanku Mizan Zainal Abidin dan Raja Permaisuri Agong, Tuanku Nur Zahirah pada Mac 2009.

Beliau dijadual pulang ke negaranya tengah hari ini dari Kompleks Bunga Raya, Lapangan Terbang Antarabangsa Kuala Lumpur. -BERNAMA



**DR. MAHATHIR** Mohamad bersalam dengan Truong Tan Sang ketika mengadakan kunjungan hormat ke atas Presiden Vietnam itu di Kuala Lumpur, semalam. -BERNAMA